

OKVIRNI SPORAZUM

SUKCESIVNA NABAVKA PRUŽANJA USLUGA TEHNIČKOG PREGLEDA MOTORNH VOZILA ZA POTREBE UPRAVE POLICIJE MUP-a KANTONA SARAJEVO

Strane u okvirnom sporazumu:

1. **MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE**, La Benevolencija br. 16, kojeg zastupa policijski komesar Generalni inspektor policije, Nusret Selimović, (u daljem tekstu: Ugovorni organ)
2. **Ahmetspahić petrol d.o.o. Sarajevo, Muamera Omerbegovića 3, ID broj: 4201904850004**, kojeg zastupa direktor Adis Ahmetspahić (u daljem tekstu: Izvršilac)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14) proveo postupak putem konkurentskog zahtjeva za dostavljanje ponuda za sukcesivnu nabavku usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo broj: 02-14-4-5235/19, sa ciljem zaključivanja okvirnog sporazuma sa jednim ponuđačem na period od 24 mjeseca;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponuđača broj 613/19 od 23.10.2019. godine.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga tehničkog pregleda motornih vozila za potrebe Uprave policije Ministarstva unutrašnjih poslova Kantona Sarajevo u skladu sa uslovima iz tenderske dokumentacije, ponudom Izvršioca, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Ukupna vrijednost ovog Okvirnog sporazuma bez PDV-a iznosi:

18.000,00 (osamnaest hiljada i 00/100) KM bez PDV-a.

Cijene su fiksne i ne mogu se mijenjati za vrijeme važenja ovog okvirnog sporazuma.

Član 3.

Nakon zaključenja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa.

Član 4.

Ugovorni organ će ugovorenu cijenu plaćati Izvršiocu u roku od 30 (trideset) dana od dana izvršenja usluge i dostavljanja pojedinačne fakture, na osnovu pojedinačnog ugovora o javnoj nabavci.

Član 5.

Izvršilac je dužan da izvrši uslugu u roku od 24 (dvadesetčetiri) sata od zaprimanja pismenog zahtjeva Ugovornog organa.

Mjesto pružanja usluga je servis Izvršioca.

Član 6.

U slučaju kašnjenja u pružanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 7.

Izvršilac se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta koji važe za vrstu usluga koje su predmet nabavke.

Član 8.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih Okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 9.

Izvršilac se obavezuje da će usluge pružati u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ je dužan dostaviti pismeno obavještenje o svakom propustu Izvršioca. Ugovorni organ će utvrditi razuman rok za ispravak propusta Izvršioca u smislu izvršene usluge.

Član 10.

Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja. Tokom perioda važenja ovog okvirnog sporazuma predviđa se zaključivanje više pojedinačnih ugovora, prema stvarnim potrebama Ugovornog organa.

Član 11.

Izvršilac nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovog okvirnog sporazuma, odnosno od početka realizacije Okvirnog sporazuma.

Član 12.

Izvršilac može odustati od Okvirnog sporazuma kada ocijeni da pod uslovima utvrđenim Okvirnim sporazumom više ne može pružati uslugu. U tom slučaju pojedinačno zaključen ugovor ostaje na snazi do isteka vremenskog važenja.

Ugovorni organ može odustati od Okvirnog sporazuma kada Izvršilac ne želi neposredno na osnovu izvornih uslova iz Okvirnog sporazuma i ponude Izvršioca, s Ugovornim organom zaključiti ugovor o javnoj nabavci.



Član 13.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, štiteći obostrane interese.

U slučaju nemogućnosti zajedničkog rješenja, eventualno nastalog spora, utvrđuje se nadležnost Suda u Sarajevu.

Član 14.

Ovaj Okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.



Broj: 13/20
Datum: 06.01.20.

Broj: 02-14-4-5235-15/19
Datum: 06.01.2020. godine